

ಪೆತ್ರಾನು ಬರೆದ ಮೊದಲನೆಯ ಪತ್ರಿಕೆ 1 ಪೆತ್ರಾ ಬರ್ದಲ ಪೈಲಾ ಪತ್ರ ವಳಕ

ಪೆತ್ರಾ ಬರ್ಪಲ ಪೈಲಾ. ಪತ್ರ ಅಪೊಸ್ತಲ ಥಯಲ ಪೆತ್ರಾ ಲಿಕ್ಕೊಸ. ಪೆತ್ರಾ ಆ ಪತ್ರ ಬರದತಾ ಕ್ಕು ಕುನ್ನ ವ್ಹೈ ವರಿ ಕಿನೆ ಲಿಕ್ಕಾಡೊಸ ಕೈನ ಕವಸ. ತೆ ಆ ಪತ್ರ ವಳಕ ನೈಸೊ ವಾಲಾವೊನೆ ಕೈನ ತೆ ಲಿಕ್ಕಾನು ಕ್ಹಾರಾ ಕ್ರಿಸ್ತ ವಿಸ್ವಾಸಿಯೊನೆ ಬರ್ದೊಸ. 1:11-17—2:11 ತೆ ತಿನು ಪತ್ರ ಕುನ್ನ ಓದಸ ತ್ಯುನೊನೆ ಘನ್ನಿ ಸಲಾ ಅಮ್ಮ ಲಿಕ್ಕೊಸ ಕಾಕದ್ಯಾಮ ತ್ಯುನೊನೆ ಬಿಜಾ-ಬಿಜಾ ದೆಶೊಮಾ ಪೈಲಿ ಗಯಾತಾ. ಕಾಕದ್ಯಾಮ ಆ ಪತ್ರ ಪೌಲಾ ಎಫೆಸನಾ ಸಬೆವಾಲಾವೊನೆ ಬರ್ದಲ ಪತ್ರಾನಾ ಲಿಂಗತ ಘನ್ನಾ ವಿಷಯ ಅಮಾ ಛಿ. ಘನ್ನಾ ಮನಕ್ಲೊ ಪತ್ರಾ ಬರ್ದಲ ಪೈಲಾ ಪತ್ರ ಎಫೆಸ ಸಭೆನೆ ಬರ್ದಲ ಪತ್ರ ಥಯಲ್ಪರ ಕದ್ಯಾಮ ಕ್ರಿಸ್ತ ಹುಟಲ್ಪರ ಜಾಸ್ತ ಕಮ್ಮ ಕದ್ಯಾಮ 65 ವರಕ್ಲ ಮಾ ಬರ್ದ್ಯಾಸ ಕೈನ ಬರೊಕ್ಲೊ ಕರಸ ಪೆತ್ರಾ ಆ ಪತ್ರ ತೆ ಬಾಬಿಲೊನ ಕವಾನಾ ರೊಮಾ ಗಾಮಮಾ ಬರ್ದೊಸ. ಪೆತ್ರಾ ತುಮೊನೆ ಪ್ರೊತ್ಸಾಹ ಕರಾನೆ ವರಿ ಆ ಕ್ಹರಿನು ಕ್ಹುದಾನಾ ಕೃಪಾ ಕೈನ ಸಾಕ್ಷಿ ದಿವಾನೆ ವ್ಹೈ ಕೈನ ಕವಾನಾ ಮುಲಕ ತೆ ಲಿಕ್ಕಲ ಪತ್ರನು ಉದ್ದಿಶ ದೆಕಾಡಿನ ದಿವಸ ಪಿರಿಕೆ

- 1) ಪೆತ್ರಾ ತೆ ಕುನ್ನ ವ್ಹೈ ವರಿ ತೆ ಕಿನಾಹುತಿ ಆ ಪತ್ರ ಬರ್ದಾಡ್ಯೊಸ ಕೈನ ಕವಸ 1:1-2
- 2) ವರಿ ತೆ ತಿಮ್ಮ ಮಳಿನ ರ್ಹವಾನಾ ಹುತಿ ವರಿ ರಕ್ಷಣೆನಾ ಹುತಿ ಕ್ಹುದಾನೆ ಧನ್ಯವಾದ ಕರಸ 1:3—2:10
- 3) ತೆ ಥಯಲ್ಪರ ಆ ಲೊಕಮಾ ವಿಶ್ವಾಸಿಯೊ ಕಿಮ್ಮ ರ್ಹೊ ವರಿ ಅಪ್ಪಾ ಸಂಬದೊನಾ ವಿಷಯಮಾ ಕದ್ಯಾಮ ಮೊಟ್ಟಿ ಬೈಕೊ ಕಾಮವಾಲೊ ಮಾಲಕನಾ ವಿಷಯಮಾ ಕವಸ 2:11—4:11
- 4) ತೆ ಥಯಲ್ಪರ ಪೆತ್ರಾ ಕಷ್ಟ ಆತಾಮಾ ಕಿಮ ತಡದಿಲಿನ ರ್ಹವೊ ಕೈನ

ಕವಸ 4:125:11)

5) ತೆಳಾಮಾ ತೆ ತಿನು ಪತ್ರ ಕ್ಕರಾವಸ 5:12

1 ಯೆಸು ಕ್ರಿಸ್ತನೊ ಅಪೊಸ್ತಲ ಥಯಲ ಪೆತ್ರಾ, ಪೊಂತ ಗಲಾತ್ಯ, ಕಪ್ಪದೊಕ್ಕ ಎಶ್ಯಾ ಬಿಥುನಿಯ ಕವಾನಾ ಭಾರಲ್ಯಾ ಗಾಮೊಮಾ ಜುದಾ ಡೈಗೈಯಲ ಕ್ಹುದಾನಾ ಮನಕ್ಹೊನೆ ಬರ್ದಾನು ಪತ್ರ.

2 ಕ್ಹುದಾ ತುಮೊನೆ ಪರಿಶುದ್ಧ ಕರಾನಾ ಹುತಿ ಘನ್ನಾ ದಿನ್ನ ಪಾಚೊ ವಿಚಾರ ಕರಲಿದ್ಯೊತೊ. ತುಮೊನೆ ಪರಿಶುದ್ಧ ಕರಾನೆ ಪರಿಶುದ್ಧ ಆತ್ಮಾನು ತುಮೆ ಯೆಸು ಕ್ರಿಸ್ತನಾ ರಗತಕ್ಹು ಪರಿಶುದ್ಧ ಡೈನ ತಿನೆ ವಥೆಯ ಥೌ ಕೈನ ಕ್ಹುದಾನಿ ವಿಚಾರ ವ್ಹತಿ. ಮರ್ಗಾ ವರಿ ಶಾಂತಿ ತುಮೊನೆ ಜಾಸ್ತಿ ಥಾವಾದೆ.

ಜಿವ್ವಿ ನಿರಿಕ್ಷೆ

3 ಅಪೊ ಪ್ರಭು ಥಯಲ ಯೆಸು ಬಾ ಥಯಲ ಕ್ಹುದಾನೆ ಸ್ತೊತ್ರಾ. ಕ್ಹುದಾ ಮೊಟ್ಟೊ ಮರಗಾಲೊ ವ್ಹ್ಯೆ ತೆ ತಿನಿ ಮರಗಾ ಕ್ಹು ಅಪೊನೆ ನವೊ ಜಲಮ ದಿದ್ಯೊಸ. ಮರಲವಾಲಾವೊಮಾತೊ ಉಟಿನ ಆಯಲ ಯೆಸು ಕ್ರಿಸ್ತನಾ ಮುಕಾಂತರ ತೆ ಅಪೊನೆ ವಾಚಾನೊ ಜಲಮ ದೆಕಾಡಿನ ದಿವಸ.

4 ಕ್ಹುದಾ ತಿನಾ ಬಚ್ಚಾವೊನೆ ದಿವಾನೊ ಆಶಿರ್ವಾದಮಾ ಆಸ ಲೆ. ತೆ ತುಮಾರಾ ಹುತಿ ಪರಲೊಕಮಾ ಮುಕ್ತಲ ಲೆ. ತೆ ಹಾಳ ನೈ ಥಾತು ವರಿ ನಾಶ ಥಾತು ನೈ ತಿನಿ ಸುಂದರ್ತಾ ಜವೈಲೆತು ನೈ.

5 ಕ್ಹುದಾನಿ ತಾಕತ ತುಮಾರಾ ಬರೊಕ್ಹಾನಾ ಹುತಿ ಕೈದಸ. ತುಮೊನೆ ರಕ್ಷಣೆ ಥಾಯೆ ಲಕ್ಹಾ ತುಮೊನೆ ಫೊಕಿತರಾ ಮುಕ್ತಸ. ತಯ್ಯಾರ ರ್ಹಯಲ ಲಾಸ್ತನಾ ದಿನ್ಮಾ ತುಮೊನೆ ಮಳಸ.

6 ಎ ತುಮೊನೆ ಘನ್ನಿ ಖುಶಿ ದಿವಸ. ತೆನೈಸೊ ತುಮೊನೆ ದಕ್ಹಾದಿನ್ನ ಘನ್ನಿತರಾನಿಯೊ ತ್ರಾಸೊ ಆವಸ ವರಿ ತೆ ತುಮೊನೆ ಘನ್ನ ದುಖ ದಿವಸ.

7 ತುಮಾರೊ ಬರೊಕ್ಹೊ ಘನ್ನೊ ಶುದ್ಧ ಲೆ ಕೈನ ದೆಕಾಡಾನಾ ಹುತಿ ತೆ ತ್ರಾಸ ಆವಸ. ತುಮಾರೊ ಬರೊಕ್ಹೊ ಫೊಕಾ ಕೊನ್ನಾತಿ ಘನ್ನ ಮೊಗು ವ್ಹ್ಯೆ ಕೊನ್ನ ಹಾಳ ಡೈ ಜಾವಸ ರ್ಹಿತಬಿ ತಿನೆ ಆಗ್ಮಾ ಕರಗೈನ ತಿನೆ

ಸುಂದರತಾ ದೆಕಾಡಸ. ಯೆಸು ಕ್ರಿಸ್ತ ಅಪೊನೆ ದಿಖ್ತಾಮಾ, ತುಮಾರೊ ಬರೊಕ್ಕೊ ತುಮೊನೆ ಮರ್ಯಾದಿ ದಿಲಾವಸ.

8 ತುಮೆ ಕ್ರಿಸ್ತನೆ ನೈ ದೆಕ್ಯಾತಬಿ ತುಮೆ ತಿನೆ ಮಯಾ ಕರೊಶಿ. ಹಮ್ಮಾ ತುಮೆ ತಿನೆ ನೈ ದೆಕ್ಯಾತಬಿ ತಿಪರ ಬರೊಕ್ಕೊ ಮ್ಹೆಲ್ಯಾಸ. ತುಮೊಮಾ ನೈ ಕವಾನಾ ಯಕ್ಕಲಿ ಖುಶಿ ಛಿ. ತೆ ಖುಶಿ ದೆಕಾಡಾನೆ ವ್ಹ್ಯೆ.

9 ಯಾಕೆಂದರೆ ತುಮರಾ ಬರೊಕ್ಕೊನಾಹುತಿ ತುಮರಾ ಬರೊಕ್ಕಾನ್ ಯಕ್ಕ ಗುರಿ ಛಿ. ತಮಾರಿ ಆತ್ಮಾ ವಚ್ಚಾಡು ಕವಾನಿ ತೆ ಗುರಿ ವ್ಹ್ಯೆ. ತುಮಾರಿ ಗುರಿ ಥಯಲ ರಕ್ಷಣೆ ಹೊಂದಿಲಿವೊಸಿ.

10 ಪ್ರವಾದಿ ಎ ರಕ್ಷಣೆನಾ ಹುತಿ ಚೊಕಿ ತರಾ ಹುಡ್ಕಿನ ಪರಿಕ್ಷಾ ಕರಾನೆ ಕೊಶಿಶ ಕರಲ್ಯಾ. ತುಮೊನೆ ಅಗಿ ಮಳಾನಿ ಮರಗಾನೆ ಹುತಿ ತ್ಯುನೆ ಬೊಲ್ಯಾ.

11 ಕ್ರಿಸ್ತನಿ ಆತ್ಮಾ ತ್ಯುನೊಕನ ವ್ಹತಿ. ತೆ ಆತ್ಮಾ ಕ್ರಿಸ್ತನೆ ಥಾವಾನಿ ಕಷ್ಟ ವರಿ ತೆ ಥಯಲಪರ ತಿನೆ ತಿನಿ ಥಾವಾನಿ ಮಹಿಮಾನಾ ಹುತಿ ಕತಿತಿ. ತೆ ಪ್ರವಾದಿಯೊ ಆತ್ಮಾ ದೆಕಾಡಾನು ತಿಳ್ವಲಿವಾನೆ ಕೊಶಿಶಿ ಕರತಾತಾ. ತೆ ಕ್ಲಾರು ಕೆಳಾಮಾ ಥಾವಸ ವರಿ ತೆ ಟೈಮ್ಮಾ ಜಗತ್ತ ಕಿಮ ರ್ವವಸ ಕೈನ ತಿಳ್ವಲಿವಾನೆ ಕೊಶಿಶ ಕರಲ್ಯಾತಾ.

12 ತೆ ಪ್ರವಾದಿಯೊ ಕರಲ ಸೆವಾ ತುಮರಾ ಹೊರತಾಗಿ ತಿವ್ವಾ ಹುತಿ ನ್ಹವೈ ತ್ಯುನೊನೆ ಗ್ವತ್ತ ಥಯು. ಹಮ್ಮಾ ತುಮೆ ಏಕಲ ಸಂಗತಿಯೊ ತ್ಯುನೆ ಕತಾಮಾ ತ್ಯುನೆ ತುಮಾರಿ ಸೆವೆ ಕರಾಡಾತಾ. ಸ್ವರಗಾತಾ ಮೊಕ್ಲಲ ಪವಿತ್ರ ಆತ್ಮಾ ಆಸ್ತಾಕ್ಲು ಸುವಾರ್ತೆ ಕದಲ ವಾಲಾಞ ಎ ಸಂಗತಿಯೊ ಕದ್ಯಾ. ತ್ಯುನೊನೆ ತೀಳಸಲ ಸಂಗತಿಯೊನಾ ಹುತಿ ತಿಳದಿಲಿವಾಹುತಿ ದೆವ ದುತೊ ಕೈದಾಡ್ಯಾಸ.

ಪರಿಶುದ್ಧ ಜಿವಿತನೆ ಬಲಾವಾನು

13 ತಿನಾಹುತಿ ತುಮೆ ತುಮಾರು ಮನಸ ಸೆವೆನಾ ಹುತಿ ತಯ್ಯಾರ ಕರಿಲಿವೊ. ತೆನ್ನೆಸೊ ತುಮೊನೆ ತುಮಾರಿ ಹತೊಟಿಮಾ ಮ್ಹೆಲ್ಲಿವೊ. ಯೆಸು ಕ್ರಿಸ್ತ ಅಪೊನೆ ದಿಕ್ಟಾನಾ ಟೈಮ್ಮಾ ತುಮೊನೆ ಮಳಾನಿ ಮರಗಾ ವರಿ ಮಳಾನಿ ವರಾ ಪರ ತುಮಾರಿ ಆಸ ಪುರಾ ರ್ವಾ.

14 ತುಮೆ ಪೈಲಾ ಎ ಸಂಗತಿಯೊನಾ ಹುತಿ ನೈ ತಿಳದಿಲದಲ ಹುತಿ, ತುಮೆ ತುಮಾರಾ ಮನಸೆ ಆಯಲ ತಿಮ್ಮಜ್ಜ ಕೆಟ್ಟ ಕಾಮೊ ಕರ್ರಾ. ಹಮ್ಮಾ ತುಮೆ ವಿಧೆಯ ಥಯಲ ಕ್ಷುದಾನಾ ಬಚ್ಚಾವ್ವೆ. ತಿನಾಹುತಿ ತುಮೆ ಪೈಲಾ ಜಿವ್ವಾ ಕರಲ ತಿಮ್ಮಜ್ಜ ಹಮ್ಮಾ ಕರೊ ನಕೊ.

15 ಕ್ಷುದಾ ಪರಿಶುದ್ಧ ರ್ವಯಲಹುತಿ ತುಮೆ ಬೊಲಾನು ವರಿ ರ್ವವಾನೊ ತರಿಕೊ ಶುದ್ಧ ರ್ವವಾದೆ. ತುಮೊನೆ ಬಲಾಯಲವಾಲೊ ಕ್ಷುದಾಜ್ಜ ವ್ವೆ.

16 "ಮಿ ಪರಿಶುದ್ಧ ರ್ವಯಲಕ್ಷು ತುಮೆಬಿ ಪರಿಶುದ್ಧ ಥೈನ ರ್ವೊ "ಕವಾನು ಪವಿತ್ರ ಬುಕ್ಕ ಕವಸ.

17 ತುಮೆ ಕ್ಷುದಾಕನ ಪ್ರಾಥನಾ ಕರತಾಮಾ ತಿನೆ ಬಾ ಕೈನ ಬಲಾವೊಶಿ. ಕ್ಷುದಾ ಹರಯಕ್ಲಾವೊನೆ ತ್ಯುನಾ-ತ್ಯುನಾ ಕಾಮೊಲಿಂಗತ ಪೈಸ್ಲೊ ಕರಸ. ತುಮೆ ಎ ದುನಿಯಾಮಾ ರ್ವವಾಲಾ ವ್ವೆ ಕೈನ ಕ್ಷುದಾನೆ ಭುಚಿಕಿನ ಜಿವ್ವೊ.

18 ಪೈಲಾ ತುಮೆ ತುಮಾರಾ ಮನಸೆ ಆಯಲ ತಿಮ್ಮ ಜಿವ್ವಾ ಕರ್ರಾತಾ ಕರತಾ ವ್ವತ್ತಾ ತುಮೊನೆ ಗ್ವತ್ತ ಛಿ. ತುಮೊತೆ ಪೈಲಾ ಜಿವ್ವಾ ಕರಲವಾಲಾ ತ್ಯುನೊಕ್ಷು ತುಮೆ ಸಿಕ್ಯಾ. ತಿನಾಹುತಿ ತುಮೊನೆ ಬಿಡುಗಡೆ ಥಾವಾನು ಹಾಳಥಾವಾನು ಕೊನಾ ರುಪ್ಪಕ್ಷು ನ್ವವೆ.

19 ಪುರಾ ಅಂಗಥಯಲ ವರಿ ಪರಿಶುದ್ಧ ಥಯಲ ಬಕ್ರಾನು ಬಚ್ಚುಥಯಲ ಯೆಸುನಾ ರಗತಕ್ಷು ತುಮೊನೆ ಮುಕ್ತಿ ಮಳಿ.

20 ಎ ಜಗತ್ತ ರಡಿ ಥಾವಾತಿ ಅಗ್ಗರಜ್ಜ ಯೆಸು ಇನ್ನೆಲಿದ್ಯೊ ತೆನ್ನೆಸೊ ಎ ಜಗತ ಅಂತೆ ಥಾವಾನಾ ಟೈಮ್ಮಾ ತುಮೊನೆ ದಿಕ್ಲೊಯೊ.

21 ತುಮೆ ಕ್ರಿಸ್ತನಾ ಮುಲಕ ಕ್ಷುದಾನೆ ವಳಕ್ಯಾ. ಕ್ಷುದಾ ಕ್ರಿಸ್ತನೆ ಮರಲವಾಲಾವೊಮಾತೊ ಜಿವ್ವೊ ಕರಿನ ಉಟಾಡ್ಲೊ. ಪಾಚೆಲ್ಲೊ ಕ್ಷುದಾ ತಿನೆ ತಾಕತ ದಿದ್ಯೊ. ತಿನಾಹುತಿ ತುಮಾರೊ ಬರೊಕ್ಲೊ ವರಿ ಆಸ ಕ್ಷುಹುದಾಪರ ರ್ವವಾದೆ.

22 ತುಮೆ ಕ್ಷರಿನೆ ವಿಧೆಯ ಥಾವಾನಾ ಮುಲಕ ತುಮೊನೆ ಪರಿಶುದ್ಧ ಕರಲಿದ್ಯಾ. ಹಮ್ಮಾ ತುಮೆ ತುಮಾರಾ ಭಾಯೊ ಭಿನೊನೆ ಕ್ಷರಿಮಾಜ್ಜ

ಮಯಾ ಕರಾಲಾ ಥಯಾಸ. ತಿನಾಹುತಿ ಯಕ್ಕಾಪರ ಯಕ್ಕೊ ಮನಸೆ ಮಯಾ ಕರೊ.

23 ತುಮೆ ನವೊ ಜಲಮ ಲಿನ ಹುಟ್ಟಲ ಲಿಂಗತ ವ್ಹ್ಯೆ ಎ ನವೊ ಜಲಮ ಹಾಳಧಾವಾನೊ ಜಲಮಕ್ಹುನತ್ತಿ ಲಿದ್ಯಾ. ತೆ ಜಲಮ ಹಾಳ ನೈ ಥಾವಾನು ಜಲಮಕ್ಹುಲಿದ್ಯಾಸ. ಜಲಮ ರ್ಹಯಲ ಹಮೆಶಾ ರ್ಹಯಲ ಕ್ಹುದಾನಿಯೊ ವಾತೊಕ್ಹುತುಮೆ ನವೊ ಜಲಮ ಲಿದ್ಯಾಸ.

24 ಕ್ಹುದಾನು ಬುಕ್ಕ ಸು ಕವಸ ಕದ್ಯಾಮ ಕ್ಹಾರಾ ಮನಕ್ಹೊ ಚಾರಾ ಲಿಂಗತ ಛಿ. ತ್ಯನೆ ಕರಾನು ಕ್ಹಾರು ಶೊಕ ಚಾರಾನಾ ಪ್ಹುಲ್ಲೊ ಲಿಂಗತ ಛಿ. ಚಾರೊ ವರೈಜಾವಸ. ಪ್ಹುಲ್ಲೊ ಉದ್ರಿ ಜಾವಸ.

25 ತೆನೈಸೊ ಕ್ಹುದಾನಿಯೊ ವಾತೊ ಹಮೆಶಾ ಜಿವ್ತಿಯೊ ರ್ಹವಸ. ತೆ ವಾತೊ ಸುವೈ ಕದ್ಯಾಮ ತಮನೊನೆ ಕದಲ ಸುವಾರ್ತಾನಿ ವಾಕ್ಯ ವ್ಹ್ಯೆ ಯೆಶಾಯ 40:6-8

2

ಜಿವ್ವೊ ದಗಡೊ ವರಿ ಪವಿತ್ರ ಜನಾಂಗ

1 ತಿನಾಹುತಿ ಬಿಜಾ ಮನಕ್ಹೊನೆ ಕೆಟ್ಟ ಕರೊನಕೊ. ಸುಳ್ಳ ಬೊಲೊ ನಕೊ, ಮೊಸಕರೊ ನಕೊ, ಸಂಗಟ ಫಾಲ್ಲಿವೊನಕೊ, ಮನಕ್ಹೊನಾ ಹುತಿ ಕೆಟ್ಟವಾತೊ ಬೊಲೊ ನಕೊ. ಎ ಕ್ಹಾರು ತುಮಾರಿ ಜಿವಿತಮಾತಾ ಭಾರಾ ಫಾಲೊ.

2 ಹಮ್ನಾ ಹುಟ್ಟಲ ಬಚ್ಚಾವೊ ಲಿಂಗತ ರ್ಹವೊ. ತುಮಾರಿ ಆತ್ಮಾ ಜತ್ತನ ಕರಲ ಲಿಂಗತ ಶುದ್ಧ ದುದ್ದನೆ (ಕ್ಹುದಾನಿಯೊ ವಾತೊ) ಆಸ ಕರೊ. ತುಮೆ ತೆ ಪಿದ್ಯಾಮ ಬೆಳ್ಳಿನ ರಕ್ಷಣೆ ವ್ಹಂದೊಶಿ

3 ತುಮೆ ಹಮ್ನಾಜ ಕ್ಹುದಾನಿ ಚೊಕಿತನಾನೆ ಸವಾದ ದೆಕ್ಯಾಸ.

4 ಪ್ರಭು ಥಯಲ ಯೆಸುನೆ ಜಲಮ ರ್ಹಯಲ "ದಗ್ನೊ ವ್ಹ್ಯೆ" ಎ ಜಗತ್ತಾ ಮನಕ್ಹೊ ತ್ಯನೊನೆ ತೆ "ದಗ್ನೊ" ನಕೊ ಕೈನ ಪೈಸಲೊ ಕರ್ಯಾ. ತೆನೈಸೊ ತೆ ಕ್ಹುದಾ ಇನಿಲಿದಲ "ದಗ್ನೊ" ವ್ಹ್ಯೆ ತೆ ಕ್ಹುದಾನಿ ನಜರಮಾ ಚೊಕೊ ವ್ಹ್ಯೆ ತಿನಾಹುತಿ ತಿನಾ ನಜಿಕ ಆವೊ.

5 ತುಮೆಬಿ ಜಲಮ ರ್ಹಯಲ ಮಂಗಾಳಾ ವ್ಹೈ ಆತ್ಮಾನೆ ಸಂಬಂದ ಥಯಲ ದೆವಾಲಯ ಥಾವಾಹುತಿ ತುಮೆಜ ತಯ್ಯಾರ ಥಾವಾಡ್ಯಾಸ; ಕ್ಹುದಾಕ್ಹು ಒಪ್ಪಿಲಿದ್ಯಲ ಆತ್ಮಿಕಕ್ಹು ಬಲಿಯೊ ದಿವಾನೆ ಯೆಸು ಕ್ರಿಸ್ತಕ್ಹು ಕ್ಹುದಾನೆ ದಿವಾನು ಪವಿತ್ರ ಯಾಜಕೊ ಥಯಾಸ.

6 ಪವಿತ್ರ ಗ್ರಂಥ ಸು ಕವಸ ಕದ್ಯಾಮ"ಮಿ ಚೊಕು ರ್ಹಯಲ ಮುಲಾಮಾ ಪಡ್ಯಲ ದಗ್ಡಾನೆ ಇನಿಲಿದ್ಯೊಸ. ಮಿ ತೆ ದಗಡಾನೆ ಚಿಯೊನಮಾ ಮ್ಹೆಲ್ಯೊಸ; ತುನೆ ಬರೊಕ್ಹೊ ಕರಾಲೊ ಕೆಳಾಮಾಬಿ ನಿರಾಸ ನೈಥಾತೊ "ಯೆಶಾಯ 28:16

7 ಬರೊಕ್ಹೊ ರ್ಹಯಲ ಮನಕ್ಹೊ ಥಯಲ ತುಮೊನೆ ತೆ ದಗ್ಡೊ (ಯೆಸು) ಘನ್ನೊ ಮೊಗಾನೊ ವ್ಹೈ ತೆನೈಸೊ ನೈ ಬರೊಕ್ಹೊ ಕರಾಲಾ ಮನಕ್ಹೊನೆ ತೆ ಅಮ ಕದ್ಯೊಸ; "ಭಾಂದಾವಾಲಾ ನಕೊ ಕೈನ ಛೊಡಲ ದಗ್ಡೊಜ ಮುಲಾನೊ ದಗ್ಡೊ ಥಯೊ" ಕಿರ್ತನೆ. 118:22

8 ನೈ ಬರೊಕ್ಹೊ ಕರಾಲಾವೊನೆ ತೆ; "ಮನಕ್ಹೊನೆ ಟೆಕ್ಹ ಲಾಗಾನೊ ದಗ್ಡೊ ಮನಕ್ಹೊನೆ ಪಾಡಾನೊ ದಗ್ಡೊ ಥಯೊಸ" ಯೆಶಾಯ 8:14 ಕ್ಹುದಾನಿ ವಾತ ನೈ ಏಕಾಕ್ಹು ಮನಕ್ಹೊ ಟೆಕ್ಹ ಲಗಾಡ್ಲಿನ್ ಪಡಸ. ತೆ ಮನಕ್ಹೊನೆ ಇಮ್ಮಥೌ ಕೈನ ಕ್ಹುದಾನಿ ವಿಚಾರ ವ್ಹತ್ತಿ.

9 ತುಮೆತುಬಿ ಕ್ಹುದಾ ಇನಿಲಿದ್ಯಲ ಜನಾಂಗ ರಾಜಾನಾ ಖಾಂದಾನನಾ ಯಾಜಕೊ ನೆಮಿಸಲ ಮನಕ್ಹೊ ಕ್ಹುದಾನಾ ಸ್ವಂತ ಮನಕ್ಹೊ ಥಯಾಸ. ಕ್ಹುದಾ ತೆ ಕರಲ ಘನ್ನಾ ಘಾಬ್ರಾಥಾವಾನಾ ಸಂಗತಿಯೊ ತಿಳಸಾನೆ ತುಮೊನೆ ಅಂದಾರಾಕ್ಹು (ಪಾಪಕ್ಹು) ತಿನಿ ಅದ್ಭುತ ಥಯಲ ಉಜಾಲಾಮಾ ಬಲೈನ ಲಾಯೊ.

10 ಯಕ್ಕ ಕಾಲಮಾ, ತುಮೆ ಕ್ಹುದಾನಾ ಮನಕ್ಹೊ ನ್ಹೊತಾ. ತೆನೈಸೊ ಹಮ್ಮಾ ತುಮೆ ಕ್ಹುದಾನಾ ಮನಕ್ಹೊ ಥಯಾಸ. ಪೈಲಾ ತುಮೆ ಮರಗಾ ಮಳಿ ನ್ಹೊತ್ತಿ. ತೆನೈಸೊ ಹಮ್ಮಾ ತುಮೆ ಕ್ಹುದಾನಿ ಮರಗಾ ಮಳಿಸ್.

ಕ್ಹುದಾನಾ ಆಳೊ

11 ಮಯಾನಾ ದೊಸ್ತೊ, ತುಮೆ ಎ ದುನಿಯಾಮಾ ಫರಾಲಾ ವರಿ ಬಿಜಾ ಗಾಮವಾಲಾ ಲಿಂಗತ ಛಿ. ತಿನಾಹುತಿ ತುಮಾರಾ ಅಂಗೊನೆ

ಪಸಂದ ರ್ವಯಲ ಕೆಟ್ಟ ಸಂಗತಿಯೊಕ್ಕು ದುರ ರ್ವೆ ಎ ತುಮಾರಾ ಜಲಮನಾ ಆತ್ಮಾನೆ ವಿರುದ್ಧ ಧೈನ ಲಡಸ.

12 ಬರೊಕ್ಕೊ ನೈಸೊ ಮನಕ್ಕೊ ಸುತ್ತಿ ಮುತ್ತಿ ಛಿ. ತುಮೆ ತಪ್ಪ ಕರಾಡಾಸ ಕೈನ ತ್ತನೆ ಕಸ. ತಿನಾಹುತಿ ಚೊಕಾ ಧೈನ ರ್ವೊ. ತುಮೆ ಕರಾನಾ ಚೊಕಾ ಕಾಮೊ ತ್ತನೆ ದೆಕಸ ವರಿ ಕ್ಕದಾ ಆವಾನು ದಿನೆ ತಿನೆ ಸ್ತುತಿ ಕರಸ.

13 ಎ ಜಗತ್ತಾ ಅದಿಕಾರಿಯೊನೆ ವಿಧೆಯ ಧೈನ ರ್ವೊ. ಪ್ರಭುನಾ ಹುತಿ ಎ ಕ್ಕಾರು ಕರೊ. ಕ್ಕಾರು ಅದಿಕಾರ ರ್ವಯಲ ರಾಜಾನೆ ವಿಧೆಯ ಧಾವೊ.

14 ರಾಜೊ ಮೊಕ್ಕಾನಾ ಅದಿಕಾರಿಯೊನೆ ವಿಧೆಯ ಧಾವೊ. ತಪ್ಪ ಕರಾಲಾವೊನೆ ಶಿಕ್ಷಾ ದಿವಾನೆ ಚೊಕು ಕರಾಲಾವೊನೆ ಚೊಕಾ ವ್ವೈ ಕೈನ ಕವಾಹುತಿ ತ್ತನೊನೆ ವಳಾಯೊಸ.

15 ತುಮೆ ಚೊಕು ಕರತಾಮಾ ತುಮಾರಾಹುತಿ ಕೆಟ್ಟ ವಾತೊ ಬೊಲಾಲಾವೊನೆ ಥಾತು ನೈ ಕ್ಕದನಿ ಮರ್ಜಿ ಎಜ ವ್ವೈ.

16 ಸ್ವತಂತ್ರ ಮಳಲವಾಲಾವೊಲಿಂಗತ ಜಿವ್ವಾ ಕರೊ. ತೆನೈಸೊ ತುಮೆ ಕರಾನು ಕೆಟ್ಟ ಕಾಮೊ ರ್ವಾಕಾಹುತಿ ತೆ ಸ್ವತಂತ್ರ ಉಪಯೊಗ ಕರೊನಕೊ. ತುಮೆ ಕ್ಕದಾನಿ ಸೆವೆ ಕರತಾ ಜಿವ್ವಾ ರ್ವೊ.

17 ಕ್ಕಾರಾ ಮನಕ್ಕೊನೆ ಮರ್ಯಾದಿ ದಿವೊ. ಕ್ಕದಾನಾ ಘರವಾಲಾ ಭಾಯೊನೆ ಭೆನೊನೆ ಮರ್ಯಾಕರೊ. ಕ್ಕದಾ ಕ್ಕುಭುಚಕೊ ವರಿ ರಾಜಾನೆ ಮರ್ಯಾದಿ ದಿವೊ.

ಕ್ರಿಸ್ತನಿ ಶ್ರಮಾನಿ ಉದಾಹರಣೆ

18 ಸೆವೆ ಕರಾಲಾವೊ, ತುಮಾರಾ ಮಾಲಕೊನೆ ರ್ವಯಲ ಅದಿಕಾರ ತುಮೆ ವಪ್ಪಿಲಿವೊ. ಎ ಕ್ಕಾರು ತುಮೆ ಘನ್ನಿ ಮರಯಾದಿಕ್ಕು ಕರೊ. ಚೊಕಾ ರ್ವಯಲ ವರಿ ಮರಗಾಲಾ ಮಾಲಕೊನೆ ತುಮೆ ವಿಧೆಯ ಧಾ ವರಿ ಕೆಟ್ಟ ರ್ವಯಲ ಮಾಲಕೊನೆಬಿ ವಿಧೆಯ ಧೈನ ರ್ವೊ.

19 ಯಕ್ಕಾನೆ ಅನ್ಯಾಯಾ ಥಾತಿ ರ್ವೈಮ ಕ್ಕದಾನಾಹುತಿ ತಡ್ಡಿಲಿನ ಗಯೊಮ ಕ್ಕದಾ ತಿನೆ ಮೆಚ್ಚಿಸ.

20 ತೆನ್ನೆಸೊ ತುಮೊನೆ ತುಮೆ ತಪ್ಪ ಕರಿನ ಮಾರ ಖಾದ್ಯಾಮ ತುಮೊನೆ ಸು ಪೈದೊ? ತೆನ್ನೆಸೊ ಭೊಕು ಕರಿನ ತುಮೆ ಮಾರಾ ಖಾದ್ಯಾಮ ತೆ ಕ್ಹುದಾನಾ ಕ್ಹಾಮು ಭೊಕು ವ್ಹೈ

21 ಇನಾಹುತಿ ತುಮೊನೆ ಬಲಾಯಾಸ. ತುಮೊನೆ ರ್ಹವಾನೊ ತರಿಕೊ ಯೆಸು ಕ್ರಿಸ್ತಜ್ಜ ವ್ಹೈ ತೆ ಕರಲ ಲಿಂಗತಜ್ಜ ತುಮೆ ಕರೊ. ತುಮೊನೆ ತ್ರಾಸ ಆತಾಮಾ ತಡ್ಡಿಲಿನ ರ್ಹ ಕಾಕದ್ಯಾಮ ಕ್ಕರಿಸ್ತಬಿ ತ್ರಾಸ ಖಾದ್ಯೊ.

22 "ತೆ ಕಯುಜ್ಜ ಪಾಪ ಕರೊನ್ನೆ. ತಿನಾ ಮೊಡ್ಡಾಮಾತು ಕೈಜ್ಜ ಸುಳ್ಳೆ ವಾತ ಐ ನೈ" ಯೆಶಾಯ 53:9

23 ಮನಕ್ಹೊ ಕ್ರಿಸ್ತನೆ ಗಾಳೊ ದಿದ್ಯಾತಬಿ ತ್ಯುನೊನೆ ತೆ ಗಾಳೊ ದಿದ್ಯೊ ನೈ ತೆ ತ್ರಾಸ ಖಾದ್ಯೊತಬಿ ಮನಕ್ಹೊನೆ ಭುಚ್ಚಾಡ್ಯೊ ನೈ ತೆ ತಿನು ಕಾಮ ಕ್ಹುದಾಪರ ಛೊಡ್ಯೊ ಕ್ಹರಿನೊ ಪೈಸಲೊ ಕರಾಲೊ ಕ್ಹುದಾ ಯಕ್ಕಲೊಜ್ಜ ವ್ಹೈ

24 ಕ್ರಿಸ್ತ ಅಪ್ಪಾಪಾವೊ ತಿನಾ ಅಂಗಪರ ಉಚ್ಚಿಲಿನ ಶಿಲುಬಿರ ಚ್ಚಡ್ಯೊ ಅಪೆ ಪಾಪನಾ ಹುತಿ ಜಿವ್ತಾ ರ್ಹಯಾವಾಚಿ. ಕ್ಹರಿಕ್ಹು ಜಿವ್ತಾ ರ್ಹ ಕೈನ ಮನಸ ವ್ಹತ್ತ. ತಿನಾ (ಕ್ರಿಸ್ತನಾ) ದುಕೊಕ್ಹು ತುಮೊನೆ ಅರಾಮ ಥಯು.

25 ತುಮೆ ವಾಟಿ ಚುಕಲ ಬಕ್ರಾವೊ ಲಿಂಗತ ಛಿ. ವರಿಬಿ ತುಮಾರೊ ಕುರುಬುರ್ಯಾಕನ ಕದ್ಯಾಮ ತುಮಾರಿ ಆತ್ಮಾನೆ ವಚ್ಚಾಡಾಲಾಕನ ಫರಿನ ಆಯಾಸ.

3

ಮಾಟಿ ಬೈಕೊ

1 ಹೆಣ ಮನಕ್ಹೊ ಇನಾಲಿಂಗತಜ್ಜ ತುಮಾರಾ ಮಾಟಿಯೊನೆ ಅಧಿನ ಥೈನ ರ್ಹವೊ. ತ್ಯುನೊಮಾ ದಕ್ಹಾಜ್ಜನಾ ಕ್ಹುದಾನಿ ವಾಕ್ಯಾನೆ ಅವಿಥೆಯ ರ್ಹಯಾತಬಿ

2 ತುಮೆ ಕ್ಹುದಾನಿ ಭಯ ಭಕ್ತಿಮಾ ರ್ಹಿನ ಸುಜ್ಜ ಕಳಂಕ ನೈಸೊ ಜಿವ್ತಾ ಕರಾನು ತುಮೊನೆ ದೆಕಿನ ಕ್ಹುದಾನಿ ವಾಕ್ಯಾನೈ ಗ್ವತ್ತ ರ್ಹಯುತಬಿ ಕ್ಹುದಾನಿ ವಾಕ್ಯಾಪರ ತುಮೆ ಬರೊಕ್ಹೊ ಮ್ಹೆಲಲ ದೆಕಿನ ತುಮೆ ರ್ಹವಾನು ದೆಕಿನ ತ್ಯುನೊನೆ ಶಿಕ್ಕಸ.

3 ಮಾತಾನಾ ಬಾಲೊ ಚೊಕಿ ತರಾ ವಳ್ಳಿವಾನು ರ್ವ್ವಿನೆಕಾ ಕ್ಲೊನಾನು ಸಾಮನ ಚೊಕಾ ವಣ್ಣಾರ್ವ್ವಿನೆಕಾ ತುಮಾರಿ ಸುಂದರ್ತಾನೆ ತೆ ಸಾಮನ ಖಾಸ ಥಯನ ರ್ವ್ವೊ

4 ತುಮೆ ರ್ವ್ವಾನೊ ತರಿಕೊ ಶಾಂತಿ ಸಮಾದಾನ ಥಯಲ ತುಮಾರಿ ಅಂತರಯಜ್ಜ ಚೊಕು ದಿಕ್ವಾನು ರ್ವ್ವೊ ತೆ ಸುಂದರತಾ ಹಾಳಧಾತಿ ನೈ ತೆ ಕ್ವುದಾನೆ ಘನ್ನು ಮೊಗು ವ್ವೈ

5 ಘನ್ನು ದಿನ್ನಪಾಚಾ ಜಿವ್ವಾ ರ್ವ್ವಯಲವಾಲಾ ಕ್ವುದಾನಿ ವಾಟ್ಕಾ ಚಾಲಿನ ಪರಿಶುದ್ಧ ಥಯಲ ಹೆಣ ಮನಕ್ಲೊ ಇನಾಲಿಂಗತಜ್ಜ ತಯ್ಯಾರ ಥೈನ. ತ್ಯನೆ ತಿವ್ವಾ ಮಾಟಿಯೊನೆ ಅಧಿನ ಥಯ್ಯೊತಿಯೊ.

6 ಮಿ ಸಾರಾಳಾ ಲಿಂಗತ ರ್ವ್ವಯಲ ಹೆಣ ಮನಕ್ಲೊನಾ ಹುತಿ ಕವಾಡ್ಯೊಸ. ತೆ ತಿನಾ ಮಾಟಿ ರ್ವ್ವಯಲ ಅಬ್ರಹಾಮನೆ ವಿಧೆಯ ಥೈನ ವ್ವತ್ತಿ, ತಿನೆ ತೆ ಮಾರೊ ಮಾಲಕ ಕೈನ ಕತಿತಿ. ಹೆಣ ಮನಕ್ಲೊ ಥಯಲ ತುಮೆ ಭುಚಕ್ಯಾವಾಚಿ ಕೆಳಾಮಾಬಿ ಚೊಕು ರ್ವ್ವಯಲಜ್ಜ ಕರಿಯೊಮ, ತುಮೆ ಸಾರಳನಾ ಕ್ವರಿನಾ ಬಚ್ಚಾ ಥಾವೊಸಿ.

7 ದಾಣ್ಣಾವೊ, ಇನಾಲಿಂಗತಜ್ಜ ತುಮೆ ತುಮಾರಿ ಬೈಕೊವೊನೆ ಕಳ್ಳೆಲಿನ ತುನಾ ಕ್ವಾತೆ ಜಿವ್ವಾ ಕರು. ತುಮೆ ತುಮಾರಿ ಬೈಕೊವೊನೆ ಮರ್ಯಾದಿ ದ್ಯು ತ್ಯನೆ ತುಮೊತಿ ತಾಕತ ಕಮ ರ್ವ್ವಯಲವಾಲಿಯೊ ವ್ವೈ ತೆನೈಸೊ ಕ್ವುದಾ ತುಮೊನೆ ದಿವಾನೊ ಆಶಿರವಾದಜ್ಜ ಕದ್ಯಾಮ ಕ್ವರಿನೊ ಜಲಮ ದಿವಾನು ಮರಗಾ ತುಮಾರಿ ಬೈಕೊವೊನೆಬಿ ದಿವಸ. ತುಮೆ ಅಮ ಜಿವ್ವಾ ಕರತಾ ರ್ವ್ವಯಾಮ ಪ್ರಾಥನಾ ಕರಾನೆ ತುಮೊನೆ ಅಡು ಥಾತು ನೈ.

ನಿನಾ ಹುತಿ ಅನುಭೊಸಾನು ತ್ರಾಸ

8 ತಿನಾಹುತಿ ತುಮೆ ಕ್ವಾರಾಜನಾ ಮಳಿನ ಶಾಂತಿಕ್ವ ರ್ವ್ವೊ. ಯಕ್ಕೆ ಯಕ್ಕೆ ಕಳ್ಳೆಲಿವಾನು ಕೊಶಿಶ ಕರೊ. ಯಕ್ಕೆ ಯಕ್ಕೆ ಭಾಯೊ ಲಿಂಗತ ಮಯಾ ಕರು. ಮರಗಾ ದೆಕಾಡಾಲಾ ವರಿ ಸಮಾದಾನ ರ್ವ್ವಯಲವಾಲಾ ಥಾ.

9 ಕೆಟ್ಟ ಕರಲವಾಲಾವೊನೆ ಕೆಟ್ಟ ಕರ್ಯಾವಾಚಿ, ಮನಸ ದುಖ ಕರಲವಾನಲಾವೊನೆ ಮನಸ ದುಖ ಕರ್ಯಾವಾಚಿ, ತ್ಯನೊನೆ ಆಶಿವಾದ

ಕರಕೈನ ಕ್ಷುದಾಕನ ಮಾಂಗಿಲಿವೊ ಕಾಕದ್ಯಾಮ ಆಶಿವ್ರಾ ವ್ಹಂದಿಲಿವಾನೆ ತುಮೆ ಬಲೈಲಿದಲವಾಲಾ ಥಯಾಸ.

10 ಕ್ಷುದಾನು ಬುಕ್ಕ ಸು ಕವಸ ಕದ್ಯಾಮ" ಎ ಜಿವಿತ್ಮಾ ಮುಶಿ ರ್ಹತ್ತಾ ಘೊಕಾ ದಿನ್ನೊ ಆಸ ಕರಾಲಾ ಕೆಟ್ಟ ವಾತೊ ನೈ ಕವಾಲಾ ಥಾವೊ. ಸುಳ್ಳ ಬೊಲೊ ನಕೊ.

11 ತೆ ಕೆಟ್ಟ ಕರ್ರಾವಾಚಿ ಘೊಕುಜ ಕರೆನಕಾ. ತೆ ಸಮಾದಾನ ಮಳಾನು ದೆಕ್ಲೊ ತಿನಾಹುತಿ ತೆ ಮಳಾದೆ ಕೈನ ಕೊಶಿಶ ಕರಾದೆ.

12 ಕ್ಷರಿಕ್ಷು ರ್ಹಯಲವಾಲಾವೊನಾ ಪ್ರಭು ಕೈದಸ. ತ್ಯುನಿ ಪ್ರಾಥನಾ ಐಕಸ. ತೆನ್ನೆಸೊ ಕೆಟ್ಟ ಕರಾಲಾ ಮನಕ್ಲೊನೆ ಪ್ರಭು ವಿರೊದ ಕರಸ.

ಕಿರ್ತನೆ 34:12-16

13 ತುಮೆ ಕೆಳಾಮಾಬಿ ಘೊಕೊಜ ಕರಾನು ಕೊಶಿಶ ಕರತಾ ರ್ಹಯಾಮ, ಕುನ್ನಜ ತುಮೊನೆ ಕೆಟ್ಟ ನೈಕರತು.

14 ತೆನ್ನೆಸೊ ಘೊಕು ಕರತಾಮಾ ತುಮೆ ತ್ರಾಸ ಖಾ ಸಕೊಶಿ. ತೆನ್ನೆಸೊ "ತುಮೊನೆ ತ್ರಾಸಮಾ ಫಾಲಾನಾ ಮನಕ್ಲೊನೆ ಭುಚ್ಚಕೊ ನಕೊ ವರಿ ಚಿಂತಾ ಕರೊ ನಕೊ"

15 ತ್ಯುನಾ ಧಮ್ಕಿಯೊನೆ ಬುಚ್ಚಾ ಬಗರ ತುಮಾರಾ ಮನಸೊಮಾ ಕ್ರಿಸ್ತಜ ಪ್ರಭು ಥೈನ ರ್ಹವಾದೆ. ತುಮೊಮಾ ಯಕ್ಕ ಆಸನೆ ಸು ಆದಾರ ಛಿ ಕೈನ ತುಮೊನೆ ಪುಚ್ಚಾಲಾ ಹರಿಯಕ್ಕಲಾನೆ ಜವಾಬ ದಿವಾನೆ ಕೆಳಾಮಾಬಿ ತಯಾರ ಥೈನ ರ್ಹವೊ. ತೆನ್ನೆಸೊ ಸಾತ್ವಿಕತೆಕ್ಲು ಮರಯಾದಿಕ್ಲು ತ್ಯುನೊನೆ ಜವಾಬ ದಿವೊ.

16 ತೆನ್ನೆಸೊ ಸಾತ್ವಿಕತೆಕ್ಲು ಮರಯಾದಿಕ್ಲು ತ್ಯುನೊನೆ ಜವಾಬ ದಿವೊ. ತುಮೆ ಕರಾನು ಘೊಕು ವ್ಹೈ ಕದ್ಯಾಮ ತುಮೊನೆ ಕೆಳಾಮಾಬಿ ತಿಲ್ದಾದಾದೆ ತೆಳಾಮ ತುಮೆ ಕ್ರಿಸ್ತಮಾ ಘೊಕಾ ಥೈನ ಜಿವ್ವಾ ಕರಾನು ದೆಕಿನ ತುಮಾರಾ ಹುತಿ ಕೆಟ್ಟ ಬೊಲಾಲಾ ತ್ಯುನೆ ಕದಲ ಕೆಟ್ಟ ಕಾಮೊನಾ ಹುತಿ ಸರಮಾವಸ.

17 ಕೆಟ್ಟ ರ್ಹಯಲ ಕರಿ ತ್ರಾಸ ಖಾವಾತಿ ಘೊಕು ಕರಿನ ತ್ರಾಸ ಖಾವಾನು ಘೊಕು ವ್ಹೈ ಹೊ ತೆ ಕ್ಷುದಾನಿ ಆಸ ರ್ಹೈಮ ತೆಜ ಘೊಕು ವ್ಹೈ

18 ತುಮಾರಾ ಪಾವೊನಾ ಹುತಿ ಕ್ರಿಸ್ತ ಯಕ್ಕಸಲಾ ತ್ರಾಸ ಖೈನ ಮರೈಕ್ಲು ಕ್ಷರಿಕ್ಷು ರ್ಹಯಲ ತೆ ಅಪರಾದಿಯೊನಾ ಹುತಿ ಜಲಮ ದಿದ್ಯೊ. ತುಮೊನೆ

ಕ್ವಾರಾವೊನೆ ಕ್ವದಾ ಕನ ಚಲಾವಾನಾಹುತಿ ತೆ ತಿಮ್ಮ ಕರ್ರೊ. ತಿನೊ ಅಂಗ ಖಲಾಸ ಕರಾಯಾ. ತೆನ್ನೆಸೊ ತೆ ಆತ್ಮಾನಿ ಸಂಭದಮಾ ಜಿವೊ ಥಯೊ.

19 ಪಾಚಲ್ಲೊ ತೆ ಆತ್ಮಾನಾ ರುಪಮಾ ಗೈನ ಜೆಲ್ಮಾ ರ್ವಯಲ ಆತ್ಮಾವೊನೆ ಕ್ವದಾನಿ ವಾತ ಕದ್ಯೊ.

20 ಘನ ದಿನ್ನ ಪಾಚಾ ನೊಹಾನಾ ದಿನೊಮಾ ಕ್ವದಾನೆ ಅವಿದೆಯ ಥಯಲವಾಲಾಚ್ಚ ತ್ಯನೆ. ನೊಹಾ ಹಡ್ಕೊ ಭಾಂದತಾಮಾ ಕ್ವದಾ ಸಮಾದಾನಕ್ವ ಕೈದಾಡ್ಯೊತೊ. ದಕ್ವಜನಾ ಕದ್ಯಾಮ ಕ್ವಾಲಿ ಆಟ್ ಭನಾ ತೆ ಹಡಗಾಮಾ ಪಾನಿಕ್ವವಾಚ್ಯಾ.

21 ತೆ ಪಾನಿ ಹಮ್ಮಾ ತುಮೊನೆ ವಚಾಡಾನು ರ್ವಯಲ ತೆ ದಿಕ್ಕಾಸಾನ ರ್ವಯಲ ಲಿಂಗತ ಛೆ. ಬಾಪ್ತಿಸ್ಮ ಅಂಗನಿ ರಾಡಿ ದ್ವಯಲ ಲಿಂಗತ ನ್ವವೈ ತೆ ಚೊಕಿ ಮನಸ ಸಾಕ್ಷಿ ಚಾಯೆ ಕೈನ ಮಾಂಗಿಲಿದಲ ಲಿಂಗತ ಛೆ. ಯೆಸು ಕ್ರಿಸ್ತ ಮರಣಕ್ವ ಉಟಿನ ಆಯಲಕ್ವ ತೆ ತುಮೊನೆ ವಚಾಡಸ್.

22 ಹಮ್ಮಾ ಯೆಸು ಸ್ವರಗೆ ಗಯೊಸ ತೆ ಕ್ವದಾನಾ ಬಾಚುಮಾ ಛೆ. ತೆ ಕ್ವದಾನಾ ದುತೊನೆ ಅದಿಕಾರಿಯೊನೆ ತಾಕತನೆ ಆಳಾಡ್ಯೊಸ.

4

ಜಿವಿತ ಬದಲಿ

1 ಕ್ರಿಸ್ತ ಮನಕ್ವನು ಅಂಗ ಲಿದಲ ಟೈಮ್ಮಾ ತ್ರಾಸ ಅನುಭವಿಶೊ. ತಿನಾಹುತಿ ಕ್ರಿಸ್ತಮಾ ರ್ವಯಲ ಮನಸ ತುಮೆ ವ್ಹಂದಲಿನ ತುಮಾರಾ ಕ್ವ ತುಮೆ ತಾಕತ ಭರಲಿವೊ. ಅಂಗಕ್ವ ತ್ರಾಸ ಖಾದಲ ಮನಕ್ವ ಪಾಕ್ವ ಮುಕ್ತ ಥಯೊಸ.

2 ತಿನಾಹುತಿ ಎ ಜಗತ್ಮಾ ಮನಕ್ವೊನಿ ಮರ್ಜಿ ಲಿಂಗತ ಕೆಟ್ಟ ಕಾಮೊ ಕರ್ರಾವಾಚಿ, ಕ್ವದಾನಿ ಮರ್ಜಿ ಲಿಂಗತ ಕಾಮೊ ಕರತಾ ಜಿವ್ವಾ ಕರತಾ ತುಮಾರಾ ಕ್ವ ತುಮೆ ತಾಕತ ಭರಲಿವೊ.

3 ಪೈಲಾ ಬರೊಕ್ವೊ ನೈಸೊ ಮನಕ್ವೊ ಕರಾನಾ ಕಾಮೊ ಕರತಾ ಘನ್ನು ಟೈಮ ಹಾಳ ಕರ್ರಾ. ತುಮೆ ಲೈಂಗಿಕ ಪಾವೊ ಕರಾಡಾಸ. ತುಮೊನೆ ಚೊಕುಲಾಗಲ ಕಾಮೊ ಕರಾಡಾಸ; ಪಿದೊಡಾ ಥಯಾಸ, ಕುರಿಯೊ

ಧಯಾಸ, ಹಸ್ಯೆ ರ್ಲ್ಯಯಲ ನೈಸೊಕರಾನಾ ವರಿ ಮತ್ಲಬನಾ ಕಾಮೊ ವರಿ ಪಿವಾ ಖಾವಾನು ಚಲಾವಡ್ಯಾಸ. ಮೊರ್ತಿಯೊನೆ ಆರಾಧನಾ ಕರಾಡ್ಯಾ.

4 ತುಮೆ ಹಸ್ಯೆ ರ್ಲ್ಯಯಲ ವರಿ ನೈಸೊ ಕರಾನಾ ಕಾರ್ಲ್ಯೊ ನೈಕಾರುನು ದೆಕಿನ ಬರೊಕ್ಲೊ ನೈಸೊವಾಲಾ ತುಮಾರಾ ಹುತಿ ಘಾಬ್ರಾಧಾವಸ. ತಿನಾಹುತಿಚ್ಚ ತ್ಯುನೆ ತುಮೊನೆ ಕೆಟ್ಟವಾತೊ ಕವಸ.

5 ತೆನೈಸೊ ಬರೊಕ್ಲೊ ನೈಸೊವಾಲಾ ತ್ಯುನೆ ಕರಾನಾ ಕಾಮೊನಾ ಹುತಿ ತ್ಯುನೆಚ್ಚ ಕೌ ಲಾಗಸ. ಮರಿಗಯಲ ಮನ್ನೊವೊನೆ ವರಿ ಜಿವ್ತಾ ರ್ಲ್ಯಯಲ ಮನಕ್ಲೊವೊನೆ ಫೈಸ್ಲೊ ಕರಾನೆ ತಯ್ಯಾರ ರ್ಲ್ಯಯಲ ಕ್ರಿಸ್ತನೆ ತ್ಯುನೆ ತಿನೆ ವಿಚಾರಣೆ ದ್ಯು.

6 ಮರಿಗಯಲ ಮನಕ್ಲೊವೊನೆ ಸುವಾರ್ತಿ ಕವಾಲಗಾಡ್ಯಾ ತ್ಯುನೆ ಅಂಗನಾ ಸಂಭಂದಕ್ಲು ಮರವಾನಿ ಶಿಕ್ಷಾ ಮಳಿತಬಿ ಅತ್ಮಾನಾ ಸಂಬಂದಮಾ ಕ್ಲುದಾನಾ ಲಿಂಗತ ಜಿವ್ತಾ ರ್ಲ್ಯೊಕ್ಲೆನಚ್ಚ ಉಪದೇಶ ಕವಾಲಗಾಡ್ಯಾ.

ಕ್ಲುದಾನಾ ವರಾವೊನೆ ಚೊಕೊ ಚಲಾವಾಲೊ

7 ಕ್ಹಾರಾ ಕಾಮೊನೆ ಮುಗ್ಸಾನೊ ಟೈಮ ನಚಿಕ ಆಯೊಸ. ತುಮೆ ಗ್ಯಾನವಾಲಾ ಥೈನ ತುಮಾರಾಕ್ಲು ತುಮೆ ತುಮೊನೆ ಹತೊಟಿಮಾ ಮ್ಹೆಲ್ಲಿವೊ. ತುಮೊನೆ ಪ್ರಾಧನಾ ಕರಾಹುತಿ ಎ ತುಮೊನೆ ಸಹಾಯಾ ಕರಸ.

8 ತುಮೆ ಯಕ್ಲಾನ ಯಕ್ಲೊ ಹಮೆಶಾಬಿ ಮಯಾ ಕರಾನು ಘನು ಖಾಸ ವ್ಹೈ ಮಯಾ ಘನಾ ಪಾವೊನೆ ಝಾಕಿಪಾಡಸ.

9 ಗುಣ ಗುಟ್ಯಾವಾಚಿನ ಮಕ್ಲೊವೊನೆ ಅತಿಥಿಸತ್ಕಾರ ಕರೊ.

10 ತುಮೊಮಾ ಹರಿ ಯಕ್ಲೊ ಕ್ಲುದಾ ಕಂತೊ ಆತ್ಮಿಕನಿ ವರಾ ಪಡ್ಲಿದ್ಯಾಸ. ಕ್ಲುದಾ ತುಮೊನೆ ಘನ್ನಿತರಾಮಾ ತಿನಿ ಕೃಪಾಕ್ಲು ದಿದ್ಯೊಸ. ತುಮೆ ಕ್ಲುದಾನಿ ವರಾ ಉಪಯೊಗ ಜವಾಬ್ದಾರಿವಾಲಾ ಥೈನ ಸೆವಕೊ ಧಯಾಸ. ತಿನಾಹುತಿ ಚೊಕಾ ಸೆವಕೊ ಥಾವೊ. ಯಕ್ನಾ ಯಕ್ನ ಸೆವೆ ಕರಾನೆ ತುಮೊನೆ ದಿದಲ ವರಾ ಉಪಯೊಗ ಕರೊ.

11 ಭೊದನೆ ಕವಾಲೊ ಕ್ಹುದಾನಿಯೊ ವಾತೊಜ್ಜ ಕವಾದೆ. ಸೆವೆ ಕರಾಲೊ ಕ್ಹುದಾ ದಿದಲ ತಾಕತಕ್ಹುಜ್ಜ ಸೆವೆ ಕರಾದೆ. ತುಮೆ ಇಮ್ಮ ಕರಾಂ. ತುಮೆ ಕರಾನು ಹರಿಯಕ್ಕಮಾ ಯೆಸು ಕ್ರಿಸ್ತನಾ ಮುಲಕ ಕ್ಹುದಾನೆ ಸ್ತುತಿ ಧಾವಸ. ಅದಿಕಾರ ವರಿ ಮಹಿಮಾ ಯುಗೊ ಯುಗೊಮಾ ತಿನೆಜ್ಜ ಮಳಲ ವ್ಹ್ಯೆ ಆಮೆನ್.

ಕ್ರಿಸ್ತ ಧೈನ ಅನುಭವಿಸಾನು ತ್ರಾಸ

12 ಮಾರಾ ಮಯಾನ ದೊಸ್ತೊ, ತುಮೆ ಹಮ್ಮಾ ಅನುಭವಿಸಾನು ಕಷ್ಟನಾ ಹುತಿ ಘಾಬ್ರಾ ಧಾವೊನಕೊ. ತೆ ತುಮಾರಾ ಬರೊಕ್ಕೊ ಪರಿಕ್ಷಾ ಕರಾಹುತಿ ಆವಸ. ಘನ್ನೊ ತ್ರಾಸ ಆವಸ ಕೈನ ತುಮೆ ವಿಚಾರ ಕರೊನಕೊ.

13 ತೆನ್ನೆಸೊ ತುಮೆ ಕ್ರಿಸ್ತನೊ ತ್ರಾಸ ವಾಟಿಲಿವಾಡ್ಯಾಸ ಕೈನ ತುಮೆ ಖುಶಿಕ್ಹು ರ್ಹವೊ. ಕ್ರಿಸ್ತ ತಿನಿ ಮಹಿಮಾ ದೆಕಾಡಾನಾ ಹುತಿ ತುಮೆ ಖುಶಿ ಕರೊಶಿ.

14 ತುಮೆ ಕ್ರಿಸ್ತಮಾ ರ್ಹಯಲ ಹುತಿ ತುಮಾರಾ ಹುತಿ ಮನಕ್ಹೊ ಕೆಟ್ಟ ಬೊಲ್ಯಾಮ ತುಮೆ ಭಾಗ್ಯವಂತವಾಲಾ ವ್ಹ್ಯೆ ಘನ್ನ ಉಜಾಲಾನು ಆತ್ಮಾ ತುಮೊಮಾ ಛೆ. ತೆ ಕ್ಹುದಾನಿ ಆತ್ಮಾವ್ಹ್ಯೆ

15 ತುಮೆ ಕೆಟ್ಟ ಮನಕ್ಹೊ ಧೌ ನೈ ಮನಕ್ಹೊನೆ ಖಲಾಸ ಕರಾಲಾ ಧೌ ನೈ ಚ್ಚಟ್ಟಾ ಧೌ ನೈ ವರಿ ಬಿಭಾವೊನೆ ತ್ರಾಸ ಕರು ನೈ. ಹೆವು ಕರಾಲಾ ತ್ರಾಸಮಾ ಪಡಸ.

16 ತುಮೆ ಕ್ರಿಸ್ತರೊ ಥಯಲಕ್ಹುತ್ರಾಸ ಖಾದ್ಯಾಮ, ಸರಮಕ್ಹುರೊನ್ನೆ ತೆ (ಕ್ರಿಸ್ತ) ನಾಮನಾಹುತಿ ತುಮೆ ಕ್ಹುದಾನೆ ಸ್ತೊತ್ರಾ ಕರೊ.

17 ತುಮಾರೊ ಫೈಸಲಾನೊ ದಿನ್ನ ಆಯೊಸ. ತೆ ಕ್ಹುದಾನಾ ಘರತು ಶುರು ಧಾವಸ. ತುಮೊಮಾಜ್ಜ ತೆ ಶುರು ಥಯುಮ್, ಕ್ಹುದಾನಿ ಸುವಾರತಾನೆ ವಿಧಿಯ ನೈ ಧಾವಾನಾ ಮನಕ್ಹೊನೆ ಸು ಧಾಸ?

18 "ಕ್ಹರಿಕ್ಹು ರ್ಹಯಲವಾಲೊ ರಕ್ಷಣೆ ವ್ಹಂದಾನೆ ಕಷ್ಟ ಥಯುಮ. ಭಕ್ತಿಮಾ ಕಮ ರ್ಹಯಲವಾಲೊ ವರಿ ಪಾಪಿನಿ ಗತಿ ಸುವೈ? ಜ್ಞಾನೊಕ್ತಿ

19 ತಿನಾಹುತಿ ಕ್ಷುದಾನಿ ಆಸ ಲಿಂಗತ ತ್ರಾಸ ಕ್ಷಾವಾಲಾ ತ್ಯುನೆ ಜಲಮನಿ ಆತ್ಮಾನೆ ವಪ್ಪಿನ ದ್ಯು. ತ್ಯುನೊನೆ ತಯ್ಯಾರ ಕರಲವಾಲೊ ಕ್ಷುದಾಭ ವ್ಹೈ. ತಿನಾಹುತಿ ತ್ಯುನೆ ತಿನಾಮಾ ಬರೊಕ್ಕೊಮ್ಮಲೊ. ಇಮ್ಮರ್ದತಾಮಾ ತ್ಯುನೆ ಚೊಕುಜ ಕರತಾಜ ರ್ಲೊ

5

ಕ್ಷುದಾನಾ ಮನಕ್ಕೊನು ಹಿಂಡ

1 ತುಮಾರಿ ಸಬೆಮಾ ಮೊಟ್ಟಾ ರ್ಲಯಲವಾಲಾವೊನಾ ಮಿ ದಕ್ಟಿಯೊ ವಾತೊ ಕೌ ಕೈನ ಟೆ. ಮಿ ಯಕ್ಕೊ ಮೊಟ್ಟೊ ಥಯೊಸ. ಮಿ ಕ್ರಿಸ್ತನೆ ತ್ರಾಸ ದಿವಾನು ಡೊಳೆ ದೆಕ್ಕೊಸ. ಹಮೊನೆ ದಿಕ್ಟಾನಾ ಟೈಮ್ಮಾಮಿ ತಿಮಾ ಭಾಗಿದಾರ ಥಯೊಸ.

2 ತುಮೆ ಸಬೆನಾ ಜವಾಬದಾರಿಲಿದಲವಾಲಾ ಸಬೆನೆ ರಾಕು ಕೈನ ಮಿ ಮಾಂಗಿಲ್ಯುಸ್. ತ್ಯುನೆ ಕ್ಷುದಾನಾ ಹಿಂಡ ವ್ಹೈ. ತುಮೆ ತೆ ಹಿಂಡನೆ ಕೈದೊ. ಕಾಕದ್ಯಾಮ ತೆ ತುಮಾರಿ ಆಸ ವ್ಹೈ. ತೆ ವಜ್ಜುಜಬರದಸ್ತಿಕ್ಕುಲುಚಾಯಲ ವಜ್ಜು ನ್ಹವೈ. ಕ್ಷುದಾ ತೆಜ ಆಸ ಕರಸ; ತುಮೆ ತೆ ಹಿಂಡನೆ ಕೈದಾನು ದೊಕ್ಕಡಾಹುತಿ ನ್ಹವೈ. ಕ್ಷುದಾನಿ ಸೆವೆ ಕರಾನು ತುಮೊನೆ ರ್ಲಯಲ ಕ್ಷುಶಿನಾ ಹುತಿ ವ್ಹೈ.

3 ತುಮೆ ಜವ್ವಾರಿರ್ಲಯಲವಾಲಾ ತೆ ಹಿಂಡಪರ ಜಬರದಸ್ತಿ ಕರೊ ನಕೊ. ತುಮೆ ತ್ಯುನೊನೆ ಚೊಕಿ ಸಾಕ್ಷಿ ಥಾವೊ.

4 ಮೊಟ್ಟೊ ಕುರಬುರ್ರೊ (ಕ್ರಿಸ್ತ) ದಿಕ್ಟತಾಮಾ, ತುಮೊನೆ ಮಾತಾಪರ ಕಿರಿಟ ಮಳಸ. ಮೊಟ್ಟಿ ತಾಕತಮಾ ರ್ಲಯಲ ತೆ ಕಿರಿಟ ತಿನೆ ಕಳಾ ಜವೈಲಿತಿಜ ನೈ.

5 ಜಾಂಜಿಮಾನೊ ಮಿ ತುಮೊನೆ ದಕ್ಟಿಯೊವಾತೊ ಕೌ ಕೈನ ಟೆ. ತುಮೆ ಮೊಟ್ಟಾವೊನೆ ಅಧಿನ ಥೈನ ರ್ಲವೊ. ತುಮೆ ಯಕ್ಕಾ ಯಕ್ಕ ಮಯಾಕ್ಕು ಚಾಲಿಲಿವೊ. ಕ್ಷುದಾ ಸ್ವಕ್ಕ ರ್ಲಯಲವಾಲಾವೊನಾ ವಿರುದ್ಧ ವ್ಹೈ. ತೆ ನೈ ತಗ್ಗಿನ ರ್ಲಯಲ ಮನಕ್ಕೊನೆ ಮರಗಾ ದೆಕಾಡಸ್" ಜ್ಞಾನೊಕ್ತಿ 3:34

6 ತಿನಾಹುತಿ ಕ್ಷುದಾನಾ ಹತೊನಾ ತಾಕತನಾ ಹೆಟಾ ರ್ವಯಲವಾಲಾ ತಗ್ಗಿನ ರ್ವವೊ. ಚೊಕೊ ದಿನ್ನ ಆಯಲಪರ ತುಮೊನೆ ಉಪ್ಪರ ಉಚಾವಸ.

7 ತೆ ತುಮೊನೆ ರಾಕಲ ಹುತಿ ತುಮಾರಿ ಚಿಂತಾ ತಿನೆ ವಪ್ಪಿನ ದಿವೊ.

8 ಯಕ್ಕಜ ಮನಸ ವಾಲಾರ್ವೊ ವರಿ ಹುಶಾರ ಧೈನ ರ್ವವೊ. ಸೈತಾನ ತುಮಾರೊ ದುಶ್ಮನ ವ್ಹೈ ತೆ ವದ್ರಾನೊ ಶಿಯ್ಯಾ ಲಿಂಗತ ಕಿನೆ ಖೌ ಕೈನ ಹುಡ್ಕತೊ ರ್ವವಸ ತೆ ಮನಕ್ಕೊನೆ ಹುಡ್ಕಡ್ಯೊಸ.

9 ತುಮಾರಾ ಬರೊಕ್ಕಾಮಾ ಘಟ್ಟರ್ವೊನ ತಿನೆ ದೆಕೊ. ಕಾಕದ್ಯಾಮ ಜಗತ್ಮಾರ್ವಯಲ ತುಮಾರಾ ಭಾಯೊ ಭೆನೊ ತುಮೊನೆ ರ್ವಯಲ ತ್ರಾಸ ಖಾವಾಡ್ಯಾಸ ತುಮೊನೆ ಗ್ವತ್ತ ಛೆ.

10 ಹೊ, ತುಮೆ ದಕ್ಕಾಜ ದಿನ್ನ ತ್ರಾಸ ಖಾವೊಸಿ, ತೆ ಥಯಲಪರ ಕ್ಷುದಾ ಕ್ಕಾರು ಕರೆಟ್ಟ ಕರಸ. ತೆ ತುಮೊನೆ ತಾಕತ ದಿವಸ. ತುಮೆ ಹೆಟಾ ಪಡೆನ್ನೊ ತೆ ತುಮೊನೆ ಅಸೊ ಧೈನ ರ್ವವಸ. ಕ್ಕಾರಾವೊನೆ ಮರಗಾ ದೆಕಾಡಾಲೊ ಕ್ಷುದಾ ತೆಜ ವ್ಹೈ ತಿನಾ ತಾಕತಮಾ ಪಾಲ ಲಿವಾಲಾ ಕ್ರಿಸ್ತಜ ತುಮೊನೆ ಬಲಾಯೊ. ತೆ ತಾಕತ ಹಮೆಶಾ ರ್ವಯಲ ವ್ಹೈ

11 ಕ್ಕಾರೊ ಅದಿಕಾರ ತಿನೊಜ ವ್ಹೈ ಆಮೆನ್.

ಲಾಸ್ತನಿಯೊ ವಂದನೆ

12 ಮಿ ಆ ನ್ಹಾನು ಪತ್ರ ಸಿಲ್ವಾನನಾ ಆಸ್ತಾಕ್ಕು ಬದ್ಯೊ. ತೆ ಕ್ರಿಸ್ತಮಾ ರ್ವೊನ ಬರೊಕ್ಕಾವಾಲೊ ಭೈ ವ್ಹೈ ಕವಾನು ತುನೆ ಗ್ವತ್ತ ಛೆ. ಮಿ ತುನೆ ಪೊಕ್ಕಾಲಾವಾನೆ ವರಿ ಅಗೊ ಬಡಾನೆ ಎ ಪತ್ರ ಬದ್ಯೊಸ. ಎಜ ಕ್ಷುದಾನಿ ಕ್ಕರಿನಿ ಮರಗಾ ಕವಾನು ತುಮೊನೆ ಕೌ ಕೈನಜ ಮಾರಿ ಆಸ ವ್ಹತಿ. ತೆ ಮರಗಾಮಾ ಘಟ್ಟ ಧೈ ರ್ವವೊ.

13 ಬಾಬಿಲೊನಮಾ ರ್ವಯಲ ಸಭೆವಾಲಾ ತುಮೊನೆ ನಮಸ್ಕಾರ ಕದ್ಯಾಸ. ತುಮೊನೆ ಇನಿಲಿದಲ ಲಿಂಗತಜ ತೆ ಮನಕ್ಕೊನೆ ಇನಿಲಿದ್ಯಾಸ. ಕ್ರಿಸ್ತಮಾ ಮಾರೊ ದಿಕ್ರೊ ಥಯಲ ಮಾರ್ಕ ತುಮೊನೆ ನಮಸ್ಕಾರ ಕದ್ಯೊಸ.

14 ತುಮೆ ಮಳಲ ಟೈಮ್ಮಾಯಕ್ಕಾ ಯಕ್ಕ ಮಯಾಕ್ಕು ಮಟ್ಟಿ ದಿವೊ.
ಕ್ರಿಸ್ತಮಾ ರ್ಡ್ಡಯಲ ತುಮೊನೆ ಕ್ಕಾರಾವೊನೆ ಸಮಾಧಾನ ಥಾವಾದೆ.

ಕ್ಪದಾನಿ ಕ್ಕರಿನಿ ವಾಕ್ಯಾ
The New Testament in the Sholaga language of Indea:
ಕ್ಪದಾನಿ ಕ್ಕರಿನಿ ವಾಕ್ಯಾ

copyright © 2023 The Word for the World International

Language: (Sholaga)

Contributor: The Word for the World South Asia

ಕ್ಪದಾನಿ ಕ್ಕರಿನಿ ವಾಕ್ಯಾ
ನವು ವಡಂಬಡಿಕೆ, 2023

The New Testament in Sikkiligar Language

The Word for the World International

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-07-02

PDF generated using Haiola and XeLaTeX on 1 Jul 2025 from source files dated 2 Jul 2025

c4493657-eaaf-5555-9b4b-b1cd97f111ff